

მხარეები, ერთის მხრივ, შპს „გარდაბნის თბოსადგური 2“ (შემდგომში - „შემსყიდველი“), წარმოდგენილი მისი გენერალური დირექტორის მერაბ კიპაროიძის სახით,

მეორეს მხრივ, შპს „იუ ჯი თი“ (შემდგომში - „მიმწოდებელი“), წარმოდგენილი მისი გენერალური დირექტორის ერმილე სულაძის სახით,

იმ გარემოებიდან გამომდინარე, რომ 2021 წლის 19 ოქტომბერს შემსყიდველის მიერ გამოცხადებულ ელექტრონულ ტენდერში **NAT210019924** გამარჯვებულად გამოცხადდა შპს „იუ ჯი თი“, ფასით **13 776 ლარი** დღგ-ს გარეშე, ვთანხმდებით შემდეგზე:

სატენდერო დოკუმენტაციის, მიმწოდებლის სატენდერო წინადადების და საქართველოს მოქმედი კანონმდებლობის გათვალისწინებით, წინამდებარე ხელშეკრულებაზე (შემდგომში „ხელშეკრულება“) ხელმოწერის გზით შევთანხმდით შემდეგზე:

1. ხელშეკრულების საგანი

1.1. წინამდებარე ხელშეკრულების საგანია შემსყიდველის მიერ პრინტერების და მათთან თავსებადი კარტრიჯების (შემდგომში - საქონელი) სახელმწიფო შესყიდვა წინამდებარე ხელშეკრულებით გათვალისწინებული პირობების შესაბამისად (**CPV 30232110**).

1.2. საქონლის დასახელება, მახასიათებლები, რაოდენობა და ფასი ერთეულის მიხედვით მოცემულია წინამდებარე ხელშეკრულების დანართ №1-ში (ფასების ცხრილი), რომელიც თან ერთვის ხელშეკრულებას და წარმოადგენს მის განუყოფელ ნაწილს.

2. მხარეთა უფლება-მოვალეობები

2.1. შემსყიდველი უფლებამოსილია მოსთხოვოს მიმწოდებელს ხელშეკრულებით ნაკისრი ვალდებულებების დროულად და სრულად შესრულება.

2.2. შემსყიდველი ვალდებულია, უზრუნველყოს შესაბამისი ანგარიშსწორება ხელშეკრულებით გათვალისწინებული პირობებითა და ოდენობით.

2.3. მიმწოდებელი უფლებამოსილია, მოსთხოვოს შემსყიდველს ხელშეკრულებით ნაკისრი ვალდებულებების დროულად და სრულად შესრულება.

2.4. მიმწოდებელი ვალდებულია, მიაწოდოს შემსყიდველს ნივთობრივად და უფლებრივად უნაკლო საქონელი და მასთან დაკავშირებული აუცილებელი დოკუმენტაცია.

3. საქონლის მიწოდების პირობები

3.1. მიმწოდებელმა საქონლის მიწოდება უნდა უზრუნველყოს:

3.1.1 ხელშეკრულების დანართი 1-ით გათვალისწინებული საქონლის მიწოდება, მიმწოდებელმა უნდა უზრუნველყოს ხელშეკრულების გაფორმებიდან **30 (ოცდაათი)** კალენდარული დღის განმავლობაში.

3.2. საქონლის მიწოდების ადგილია: ქ. გარდაბანი, დ. აღმაშენებლის 2ბ.

3.3. დაიშვება საქონლის ეტაპობრივი მოწოდება. საქონლის მიწოდების შემდეგ, მიმწოდებელსა და შემსყიდველს შორის ფორმდება მიღება-ჩაბარების აქტი, რომელსაც ხელს აწერენ მხარეთა მიერ უფლებამოსილი პირები.

3.4. შემსყიდველი უფლებამოსილია უარი განაცხადოს უხარისხო საქონლის მიღებაზე.

4. საქონლის ხარისხი

4.1. მიმწოდებელი იღებს ვალდებულებას, რომ: მიწოდებული საქონელი იქნება ახალი და ექსპლუატაციაში არ მყოფი; მიწოდებული საქონელი დააკმაყოფილებს ხელშეკრულებით შეთანხმებულ ტექნიკურ მაჩვენებლებს.

5. ხელშეკრულების ღირებულება და ანგარიშსწორება

5.1. ხელშეკრულების საერთო სავარაუდო ღირებულება შეადგენს **16 255.68 (თექვსმეტი ათას ორას ორმოცდათხუთმეტი ლარი და 68 თეთრი)** ლარს დღგ-ს ჩათვლით.

5.2. ანგარიშსწორების განსახორციელებლად საჭირო დოკუმენტ(ებ)ი:

- მიღება-ჩაბარების აქტი (ორმხრივად ხელმოწერილი);
- საგადასახადო ანგარიშ-ფაქტურა;

5.3. ანგარიშსწორება მიმწოდებელთან განხორციელდება ლარში, უნაღდო ანგარიშსწორების ფორმით, ხელშეკრულებით განსაზღვრული დოკუმენტების წარმოდგენიდან არაუგვიანეს 10 სამუშაო დღის ვადაში.

6. გარანტია, პასუხისმგებლობა და ხელშეკრულების პირობების შეუსრულებლობა

6.1. მიმწოდებელი საქონელზე იძლევა გარანტიას **12 კალენდარული თვის** განმავლობაში. საგარანტიო პერიოდის ათვლა იწყება მიწოდებულ საქონელზე მიღება-ჩაბარების აქტის გაფორმების შემდეგ.

6.1.1. საგარანტიო პერიოდის განმავლობაში მიმწოდებელი ვალდებულია საკუთარი ხარჯებით უზრუნველყოს წუნდებული საქონლის შეკეთება, ხოლო იმ შემთხვევაში, თუ წუნდებული საქონლის არ ექვემდებარება შეკეთებას მიმწოდებელმა უნდა განახორციელოს მისი შეცვლა ახალი, იმავე პარამეტრებისა და მახასიათებლების მქონე საქონლით. შეკეთება/შეცვლა მიმწოდებლის მიერ უნდა განხორციელდეს შემსყიდველის მოთხოვნიდან არაუგვიანეს 10 სამუშაო დღის განმავლობაში.

6.1.2. ქარხნული წუნის შემთხვევაში, საგარანტიო ვადაში მიმწოდებელი ვალდებულია აღმოფხვრას გამოვლენილი დეფექტი - შეცვალოს პრინტერი ან/და კარტრიჯი ახლით, მხარდაჭერის/შეკეთების პუნქტში საქონლის წარმოდგენიდან არაუგვიანეს 10 სამუშაო დღის განმავლობაში.

6.1.3. იმ შემთხვევაში, თუ მიმწოდებელი ვერ უზრუნველყოფს ნაკლის აღმოფხვრას, შემსყიდველს უფლება აქვს დააკისროს მიმწოდებელს ნაკლიანი საქონლის ღირებულების ოდენობის პირგასამტეხლოს გადახდა, რაც მიმწოდებელმა უნდა გადაიხადოს დაუყოვნებლივ, შემსყიდველისაგან პირგასამტეხლოს დაკისრების თაობაზე წერილობითი შეტყობინების მიღების დღიდან არაუგვიანეს სამი კალენდარული დღისა.

6.2. მხარეების მიერ ხელშეკრულების პირობების შეუსრულებლობა და/ან დარღვევა გამოიწვევს მათ პასუხისმგებლობას წინამდებარე ხელშეკრულებისა და მოქმედი კანონმდებლობით დადგენილი წესის შესაბამისად.

6.3. ნაკლიანი საქონლის მიწოდების შედეგად შემსყიდველისთვის, მიყენებული ნებისმიერი ზიანის ანაზღაურება ეკისრება მიმწოდებელს.

6.4. მხარეს შეუძლია მოითხოვოს მეორე მხარის მიერ ნაკისრი ვალდებულებების შეუსრულებლობით ან არაჯეროვანი შესრულებით მისთვის მიყენებული ზიანის ანაზღაურება.

6.5. საქონლის მიწოდების დაყოვნების შემთხვევაში მიმწოდებელი ვალდებულია გადაუხადოს შემსყიდველს პირგასამტეხლო ყოველ ვადაგადაცილებულ კალენდარულ დღეზე ხელშეკრულების საერთო ღირებულების 0,1%-ის ოდენობით.

6.6. შემსყიდველის მიერ ანგარიშსწორების ვადის გადაცილების შემთხვევაში მიმწოდებელს უფლება აქვს დააკისროს შემსყიდველს პირგასამტეხლოს გადახდა ყოველ ვადაგადაცილებულ დღეზე საერთო ღირებულების 0,1%-ის ოდენობით.

6.7. მიმწოდებლის მიერ პირგასამტეხლოს გადახდა, საქართველოს სამოქალაქო კოდექსით გათვალისწინებული შემთხვევების გარდა, არ ათავისუფლებს მას წინამდებარე ხელშეკრულებით ნაკისრი ვალდებულებების ჯეროვნად შესრულების მოვალეობისაგან.

6.8. მიმწოდებლის მიერ ხელშეკრულების შეწყვეტის/საქონლის და თანმდევი მომსახურების მიწოდებაზე უარის თქმის შემთხვევაში, მიმწოდებელს დაეკისრება პირგასამტეხლო ხელშეკრულების საერთო ღირებულების 5%-ის ოდენობით, გარდა იმ შემთხვევებისა, როდესაც მიმწოდებელი ხელშეკრულებას შეწყვეტს/საქონლის მიწოდებაზე უარს იტყვის ხელშეკრულების მე-11 მუხლის მე-2 პუნქტში მითითებული გარემოებების საფუძველზე.

6.9 ხელშეკრულების ფარგლებში გათვალისწინებული პირგასამტეხლოს მაქსიმალური ზღვრული ოდენობა, რომელიც შეიძლება დაეკისროს მიმწოდებელს, შეადგენს ხელშეკრულების ღირებულების არაუმეტეს 5%-ს.

6.10 მხარდაჭერის/შეკეთების პუნქტის (სერვისცენტრის) მისამართია: ქ. თბილისი, ჭავჭავაძის გამზირი 17ა (შპს „იუ ჯი თი“ ტელ: +995 (32) 222-05-05).

7. მხარეთა პასუხისმგებლობისგან გათავისუფლება

7.1. მხარეები არ აგებენ პასუხს ვალდებულებათა სრული ან ნაწილობრივი შეუსრულებლობისათვის იმ შემთხვევაში, თუ აღნიშნული გამოწვეულია ფორს-მაჟორული გარემოებებით (მიწისძვრა, წყალდიდობა, სახელმწიფო გადატრიალება და სხვა გარემოებები, რომლებიც არ არიან დამოკიდებული მხარეებზე და ითვლებიან ფორს-მაჟორულ გარემოებებად).

7.2. მხარემ, რომელსაც შეექმნა ფორს-მაჟორული გარემოება დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ. წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისაგან.

7.3. წერილობით შეტყობინებაში მითითებული ფაქტები დადასტურებული უნდა იქნას კომპეტენტური ორგანოს მიერ. დადასტურება არ არის საჭირო, თუ აღნიშნული ფაქტები ცნობილია საზოგადოდ.

7.4. მხარეები ანახლებენ თავიანთი ვალდებულებების განხორციელებას ფორს-მაჟორული გარემოებების აღმოფხვრისთანავე.

8. ხელშეკრულების ინსპექტირების პირობები

8.1. შემსყიდველს ან მის მიერ უფლებამოსილ პირს უფლება აქვს განახორციელო საქონლის კონტროლი და/ან გამოცადოს საქონელი.

8.2. შემსყიდველის ან მისი მიერ უფლებამოსილი პირის ფუნქციებია:

8.2.1. საქონლის მოცულობის, ხარისხისა და ვადების წინადადებაზე ხელშეკრულების მოთხოვნებთან შესაბამისობის დადგენის მიზნით სათანადო კონტროლისა და ზედამხედველობის განხორციელება;

8.2.2. შეამოწმოს საქონელი მიღებამდე და უხარისხობის აღმოჩენის შემთხვევაში უარი თქვას მის მიღებაზე.

8.2.3. წინამდებარე ხელშეკრულების ეფექტური შესრულების მიზნით სხვა უფლებამოსილების განხორციელება.

8.3. თითოეული გამოვლენილი ნაკლის აღმოფხვრასთან და ინსპექტირებასთან დაკავშირებული ხარჯების ანაზღაურება ეკისრება მიმწოდებელს.

9. ხელშეკრულებაში ცვლილებების შეტანა

9.1. ხელშეკრულების მონაწილე არც ერთ მხარეს არ აქვს უფლება ცალმხრივად შეცვალოს ხელშეკრულების პირობები.

9.2. დაუშვებელია ხელშეკრულებაში იმგვარი ცვლილებების შეტანა, რომელთა შედეგად შემსყიდველისათვის იზრდება ხელშეკრულების ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

9.2.1. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

9.3. ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით შეთანხმების სახით, რომელიც თან დაერთდება ხელშეკრულებას და ჩაითვლება მის განუყოფელ ნაწილად.

9.4. ხელშეკრულებაში შეტანილი ყველა ცვლილება იურიდიულ ძალას იძენს მხოლოდ მხარეთა მიერ მისი ხელმოწერის დღიდან.

10. ხელშეკრულების ძალაში შესვლა და მოქმედების ვადა

10.1. ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს **2022 წლის 31 იანვრის** ჩათვლით.

10.2. ხელშეკრულების შესაბამისი მუხლები ძალაში რჩება მხარეთა მიერ ნაკისრი ვალდებულებების სრულ ამოწურვამდე.

11. ხელშეკრულების შეწყვეტა

11.1. მხარეებს შეუძლიათ ურთიერთშეთანხმებით, ორმხრივად შეწყვიტონ წინამდებარე ხელშეკრულება მისი მოქმედების ნებისმიერ ეტაპზე.

11.2. ნებისმიერ მხარეს შეუძლია ცალმხრივად შეწყვიტოს ხელშეკრულება მეორე მხარისათვის წერილობითი შეტყობინების გაგზავნის საფუძველზე, იმ შემთხვევაში თუ:

ა) რომელიმე მხარემ მთლიანად ან ნაწილობრივ დაარღვია ამ ხელშეკრულების პირობა;

ბ) ხელშეკრულების ერთ-ერთი მხარე სისტემატიურად არღვევს წინამდებარე ხელშეკრულების პირობებს;

გ) სსკ 398-ე მუხლით გათვალისწინებულ შემთხვევაში.

11.3. ხელშეკრულება წყვეტს მოქმედებას შემსყიდველის მიერ გაგზავნილ შეტყობინებაში მითითებული ვადის შესაბამისად.

12. დავების გადაწყვეტა, მარეგულირებელი სამართალი

- 12.1. მხარეთა შორის წარმოშობილი ნებისმიერი დავა წყდება მხარეთა ურთიერთმოლაპარაკების გზით.
12.2. შეთანხმების მიუღწევლობის შემთხვევაში ყველა სადავო საკითხი წყდება საქართველოს სასამართლოში.
12.3. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

13. დასკვნითი დებულებები

- 13.1. ხელშეკრულება შედგენილია ქართულ ენაზე, მხარეების მიერ შესრულებულია კვალიფიციური ელექტრონული ხელმოწერა ან/და დამოწმებულია კვალიფიციური ელექტრონული შტამპით, რომელსაც აქვს იურიდიული ძალა.
13.2. ხელშეკრულების ცალკეული მუხლის და/ან პუნქტის ბათილობა ან ძალადაკარგულად ცნობა არ ახდენს გავლენას მთლიანად ხელშეკრულების ან მისი დანართების ნამდვილობაზე.
13.3. წინამდებარე ხელშეკრულებიდან გამომდინარე ნებისმიერი შეტყობინება მხარეთა შორის წარმოებს წერილობით ან ელექტრონული ფოსტის მეშვეობით.
13.4. ხელშეკრულების არც ერთ მხარეს არ აქვს უფლება მეორე მხარის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობები.

14. მხარეთა რეკვიზიტები და ხელმოწერები

„შემსყიდველი“ შპს „გარდაბნის თბოსადგური 2“ მის: ქ. გარდაბანი, დ. აღმაშენებლის 2ბ ს/კ: 426529759 სს „ტერა ბანკი“ ბ/კ: TEBAGE22 ა/ა GE43 KS 0000000340300002 გენერალური დირექტორი მ. კიპაროძე	„მიმწოდებელი“ შპს „იუ ჯი თი“ მის: ქ. თბილისი, ჭავჭავაძის 17ა ს/კ: 204892964 სს „თი ბი სი ბანკი“ ბ/კ: TBCBGE22 ა/ა: GE05 TB06 0000 0005 4672 91 გენერალური დირექტორი ე. სულაძე
--	--



შპს თუ ვიდო
ჭავჭავაძის გამზირი 17გ
0179 თბილისი, საქართველო
+995 32 222 05 05
b/g 204892964

თარიღი: 26-10-21

#	1	2	3	4	5	6	7	8	9	10	11	12	13	14
	დასახელება		მახასიათებლები	შუხითაგაზეთული მახასიათებლები	მწარმოებელი (ან სახელწოდო წინაწილი)	წარმოების ქვეყანა	გან-მა	რ-მა	ერთეულის ღირებულება დღეს გარეშე	სულ ღირებულება დღეს გარეშე	ერთეულის ღირებულება დღეს ჩათვლით, ღარი	სულ ღირებულება დღეს ჩათვლით, ღარი	მიწოდების ვადა	გარანტია
1	A4 ფორმატის შედ-თფირი მრავალფუნქციური ლაზერული პრინტერი	1.1	ზეჭდეშ რტოი: შედ-თფირი	შედ-თფირი	მწარმოებელი: HP მიწოდელი: HP LaserJet Pro MFP M426dw	ჩინეთი	ცალი	5	1,003.20 ლ	5,016.00 ლ	1,183.78 ლ	5,918.88 ლ	ხელშეკრულების გაფორმებიდან 30 კალენდარული დღე	1 წელი
		1.2	ტექნოლოია: ლაზერული	ლაზერული										
		1.3	პირველი გერეშის ამოშეჭდის დრო: არაუტეპტს 6.5 წამი	6.3 წამი										
		1.4	ზეჭდეშ სიჩქარე: მინიმუმ 38 გე/წუთში ან მეტი	38 გე/წუთში										
		1.5	პრინტერის გარეშეგდომა: არანაკლებ 1200 x 600 დეი ან მეტი	1200 x 600 დეი										
		1.6	ფორმატი: A4, დამატებითი დასამუშეო მჭირი ფორმატების ზეჭდეშ ფუნქცია	ფორმატი: A4, დამატებითი ჰქეს მჭირე ფორმატების ზეჭდეშ ფუნქცია										
		1.7	საქმალდეი: უფრო: მინიმუმ 150 ფორელი ან მეტი	250 ფორელი										
		1.8	საკომუნეიკაციო პორტები: USB და RJ45 საეაღდეშული	USB და RJ45										
		1.9	პრინტერის უნდე მიფეჭიდეშ არანაკლებ 1.5 მეტრი სიფრის კომპიუტერთან ან/და გეშორეშელი USB ტიპის კაბელი	პრინტერის მიფეჭა 1.5 მეტრი სიფრის კომპიუტერთან ან/და გეშორეშელი USB ტიპის კაბელი										
		1.10	ოპერატულო მუხსეკრება: მინიმუმ 512MB ან მეტი	512MB										
		1.11	მეტამალური დეტეირთვის ციკლი თეშე: არანაკლებ 80000 გეერდი ან მეტი	80000 გეერდი										
		1.12	ფურელიშე რჩინთიფდე ზეჭდეი: აუცილებელი	გაანთია										
		1.13	მუხიშეაღლი დენი: დააკმეყოფილოს 220 V-დან 240 V-ის ჩათვლით	220 V-დან 240 V-ის ჩათვლით										
		1.14	ოპერატულო სისტეშების თეცეშადომა: Windows, Linux, Mac OS	Windows, Linux, Mac OS										
		1.15	ახლის ეაეღების სიჩქარე: მინიმუმ 38 გე/წუთში ან მეტი	38 გე/წუთში										
		1.16	ახლის ეაეღების გარეშეგდომა: 600 x 600 დეი ან მეტი	600 x 600 დეი										
		1.17	სკანერის ტიპი: Flatbed, ADF (ფორელის აეკრეშეკური მიწოდებელი)	Flatbed, ADF (ფორელის აეკრეშეკური მიწოდებელი)										
		1.18	სკანერის გარეშეგდომა: 1200 x1200 დეი ან მეტი	1200 x1200 დეი										
		1.19	სკანერის სიჩქარე: 29 გე/წუთში ან მეტი	29 გე/წუთში										
		1.20	დასკანერებული ეაეღის ფორმატი: PDF, საეაღდეშული.	PDF										
2	შუხითაგაზეთული პრინტერთან თეცეშადი კარტრიკი	2.1	ზეჭდეშ რტეკრეი არანაკლებ 10000 გეერდი, ზარაბანი ინტერფერეშული უნდე იფის ორიფინალ კარტრიკეშში, კარტრიკეშში უნდე იფის ახალი და ექსპლუატეკეიანი არ მჭოფი.	ზეჭდეშ რტეკრეი 10000 გეერდი, ზარაბანი ინტერფერეშული ორიფინალ კარტრიკეშში, კარტრიკეშში არის ახალი და ექსპლუატეკეიანი არ მჭოფი.	მწარმოებელი: HP მიწოდელი: HP CF259XC	საფრანგეთი	ცალი	15	584.00 ლ	8,760.00 ლ	689.12 ლ	10,336.80 ლ	ხელშეკრულების გაფორმებიდან 30 კალენდარული დღე	1 წელი
										13 776.00 ლ				